

Reorganizacija policije - Komesar EUPM-a Kevin Carty na sastanku sa sindikatima policije u Mostaru

Komesar EUPM-a Kevin Carty sastao se danas u Mostaru s predstavnicima sindikata policije Federacije BiH, Republike Srpske, Centralne Bosne, Livna i Brcko Distrikta. Tema sastanka bila je diskusija o prijedlogu reorganizacije policije, koji je nedavno predstavio predsjedavajući Komisije za reorganizaciju policije Wilfried Martens.

Komesar Carty je rekao da "izvjestaj Komisije za reorganizaciju policije predstavlja izvorni nacrt buduće organizacije policije" i savjetovao sindikatima da "kada je promjena neizbježna, treba je okrenuti u svoju korist."

Prvi zamjenik visokog predstavnika Donald Hays otvorio je sastanak i rekao da "sadašnji rezjedinjeni policijski sistem u BiH neće policiji obezbijediti opremu koja joj je potrebna za borbu protiv kriminala". Prema njegovim riječima, s obzirom na krhku finansijsku situaciju u BiH, "ne može se očekivati od građana BiH da plaćaju više za usluge policije", te da zbog toga sindikati policije treba da pronađu način kojim će predstaviti svoj zajednički stav kako bi osigurali najbolji ishod za svoje članove.

Stav Evropske komisije je jasan – sve zakonske i budžetske nadležnosti vezane za rad policije moraju biti prebacene na državni nivo, s tim da će na lokalnom nivou policajci biti organizovani u funkcionalna policijska područja. Pored toga, neprikladno miješanje politike neće imati mjesta u radu policije. Usvajanje ovih principa je jedna od preporuka studije izvodljivosti za otpočinjanje pregovora o stabilizaciji i pridruživanju.

Današnji sastanak predstavlja korak naprijed u približavanju sindikata policije procesu reorganizacije policije. Svi učesnici smatraju da je vrlo važno nastaviti raditi na ovaj način. Komesar Carty je uvjerio sindikate policije da će EUPM nastaviti raditi s njima u korist profesionalnih policajaca i policajki u BiH, a kroz proces reorganizacije policije.